



一枝草 一點露

參阿隆是跔佇中醫診所熟似的，伊常在駛車載個老母來看病，不管時擺是笑 bi-bi，會主動參人相借問。個阿母較細粒子，看著無親像五十外歲人，全款是對人足客氣的。頭起先，干焦知影伊捌替人咧摒掃、肉圓店做二手的、賣果子，這馬佇早餐店煎蔥油餅閣兼洗碗箸，靠勞動換家己恰兩個後生三頓飽。因為規年迴天逐日倚咧，跤頭跌無力，耳空嘛小可仔各樣。

隆仔個兩兄弟仔誠認份，自國中一年仔到高中，擺佇廟口「三兄弟豆花店」做走桌的。逐工下課趕赴做暗班，抖豆花、揸豆花、拭桌仔、收碗、洗碗。暗時十點過才轉去厝裡做功課，歇暍日嘛著愛做規工。同窗相招的露營、唱歌、踏草青、看電影……彼寡議量擺總無個的份。母仔囡日子過了雖罔艱苦，毋過，個知影著愛儉、愛粒積，後日仔欲讀大學才有所費。

天公疼戇人，阿隆順利考牢下港的大學，見若歇熱歇寒定著有轉來基隆。豆花店的頭家自細漢看個照起工閣真有孝，大學生待遇予伊較懸，有當時仔嘛會特別發寡獎金共鼓勵。拍拚三個月，儉儉仔用，生活費就有夠。毋過，註冊費是上大條的負擔。佳哉教育部就學貸款協助中低收入家庭的囡仔讀冊，利息較輕。逐年申請，出業食頭路，分八年寬寬仔還就會使。

阿隆性地好，真有人緣，拄好高中同窗個老母佇咧做保險，看伊跔踏實地，就紹介伊學做保險。阿隆無落氣，隨考牢「人身保險業務員」等等四張執照。因為人古意，閣好喺水，做代誌頂真，對專員、業務主任、襄理、副理做到區主任，相連繼四冬擺得著創新業績優秀獎。頂年「高峰會競賽」嘛入選，予公司招待出國旅行。

規家若全心，烏塗變成金。今年的母親節，阿母頭擺出國，綴阿隆個兩兄弟去日本迢迢。這是拍拚二十冬，頭一个達成的心願。後一个目標是欲佇基隆蓄厝，毋管買著細間厝抑是舊厝宅，擺是規家口仔上大的向望。

作者：蔡惠芬

☆詞彙學習☆

【細粒子】sè-liáp-tsí/suè-liáp-tsí：形容身材嬌小。

【二手】jī-tshiú/li-tshiú：副手、助手、助理。

【各樣】koh-iūnn：異樣、異狀。不一樣、不同的狀況。

【走桌的】tsáu-toh--ê：跑堂、侍者。舊時對茶樓、酒鋪、飯館等服務人員的稱呼。

【議量】gī-niū：消遣、排遣。

【喺水】tshuì-suí：口才。